

Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-233239 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600 SP Hotline Number 7085-256-377



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67


Hmasawanna Thar Vol - 32/212

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy



Alexander Zverev chuun-ikhnan Noyak Djokovic hnein Rome Masters title a lak

HNU EWC inthung; Pherzawl district a posting han an posting hmun an pan ding

CCPUR: May 20, 2017, 10:00AM khan Dr Chaltonlien Amo, MLA Tipaimukh A/C quarter-ah HNU EWC inthung a ni a, hi huna hin party fe pei dan ding le hrat lema fe thei dan ding hai hritlangna neiin bufklangna an nei.

Dr Chaltonlien Amo, MLA Tipaimukh A/C le Pu L.M. Khaute, DGP, Manipur hai inbiakna angin Pherzawl district huom-sunga sawrkar office hran

hrana posting hai chun an posting-na hmun an pan tawl mek a, May 22, 2017 khawm hin Pherzawl District sunga posting ding Manipur Police hai chun Pherzawl district an pan ding niin ei thu dawngna chun a hril a. Pherzawl district-a posting ding thawktu dang dang hai khawmin an thawkna ding hmun an la pan pei ding thu biel-tu MLA a inthawk ei thu dawngna chun a hril.

Hmar Inpui Executive meeting

CCPUR: May 22, 2017, 11:30 hin Hmar Secerretariat, HSA Campus, Churachandpur hmunah Hmar Inpui (HI) GHQ executive meeting um a tih. Hi huna hin May 26, 2017 nia Hmar Inpui Special Assembly nei huna Agen-da ding le Assembly Of-

ficers thar thlangna dinga Election Commission ding hritlang le ruot ning a ta, thil dang ngaituo tul hai hritlang le ngaituo ni bawk a tih tiin Pu Francis Songate, General Secretary, Hmar Inpui GHQ chun ei Chanchinbu palai a hril.

Core Committee ruang vuina uop seng dingin an ngen




CCPUR: JACAATB in Anti-Tribal Bills 3 hai dodalna le inzawma thina tuok martyrs 8 hai ruang vui loa la um hai sawrkar le inremna siem a nita dung-zuia May 24, 2017 nia vuina programme hmang ding le inzawma Information & Publicity Dept. maw-phurna pek Core Committee chun SSPP Jt. Hqrts. Office, Hiangtam Lamka hmunah reporters hai an inhmupui a. Martyrs hai ruang vuina ding le inzawma hriet ding tul hai hritlang Lalmiroopia, Vice President, MZP CCPur in a nei a. Martyrs hai ruang vuina mipui a tam thei ang takin uop dingin ngenna a siem bakah hi hun hmang ding leiin a thei chinah Schools

han holiday puong a, Class VIII le a chungtieng in-chuklaihai ruang vuina programme-a inthang tir dingin School hai a ngen. District Morgue -a inthawk Public Ground inkar human chain nei ding le inzawmin student hai chu ngaipawimaw a, a tam thei ang tak uop dingin a ngen. Chun, hi hun hmangna thang hai chu mani hnam puon inbel seng ding le in tinin zingkar 9AM -5PM inkar sung hnam puon khai seng dingin an hriet-tir bakah Office kai hai khawm chawl la dingin an ngen bawk. Hlawtling taka hun hmang a ni theina dingin mitin ngaipawimaw dingin fielna an siem.

Helpawl Inpehai Rehabilitation Policy siemthat Cabinet-in a pawm Cadre pakhat monthly stipend Rs.4000-8000 le one-time-grant Rs.4 Lakh

IMPHAL: Chief Minister in Manipur-a helpawlhai le SoO inremna tha taka hlen a ninaw leiin a hlawmsa, siemthat a tul tia a hritlang dungziin, State Cabinet chun helpawl inpe (surrendered underground) hai tungdingna ding Surrender-cum-Rehabilitation Policy chu siemthatin hmang nghan dingin a pawm tah.



State Health Directorate-in natna 'eligible' tia a hrietpui/pawmpui natnaa damnaa inenkawlhai chu, an inenkawlna man po po 75% reimbursement hmu thei bawk an tih. Hi bakah hin, taksa la hrisel deuh le fit sipai (security forces) la thang nuomhah chu, special battalion-a dingin an kum (age) le thienna (educational qualification) relaxation siemin sin la zawm thei an tih. Cabinet chun, underground inpehai ta dingin silai chaw lo 'special battalion' a hrana lan din a remtih bawk. Cabinet chun, Legal Adviser to the Chief

Minister Mr N. Kumarjit Singh chu Advocate General of Manipur dingin a recommended a. Media Adviser le Coordinator to Chief Minister appointment siem dinga proposal khawm a pawm bawk. Media Adviser chun mipui (public) le media hai le inbiapawin sawrkar thil thawhai le thu pawimawhai vantlang hriet dingin tlantzar pei a tih. Coordinator hin Chief Minister ai awin sawrkar department hran hrana hai kei khawm (coordinate) a tih. State Cabinet chun, August 31, 2015-a Churachandpur-a buoina

hmang dingin a rel bawk. Municipal Corporation-a 'Councillor' chu 'Corporator' athlengna dinga draft Manipur Municipalities (11th Amendment) Bill, 2017 khawm a pawm a. State Co-operative Department-a Technical and Promotion (TP) Cell indin thar nawk a, case to case dungzia en pei dingin a rel. Khawtlang le vantlang hmasawanna sukhanglungna dinga hmangruo pawimaw (infrastructure) sukrhatna ding le tum bik (mission) neia development project hai tha taka hlen an ni theina dinga enkaiteu dingin Manipur Infrastructure Development Agency (MIDA) indin a remtih bawk. Agency hin Concept Note le Detailed Project Report (DPR) hai siemin, state sawrkarin fund a hmu theina dingin concerned Ministry le funding agency hai kuomah pelut hlak a tih. Hi Agency hi Societies Registration Act, 1986 dungziin State Planning Department hnuoia indin ding a ta. CM chu ex-officio Chairman ning a tih. Road accident-a thihai zangna dawmna (ex-gratia) le, Manipur-a helna le tharum insuona le inzawma Army/CPMF/Assam Rifles thihai sungai kuoma zangna dawmna siemthat (revised ex-gratia) la hmang zawm pei ding ti thu chu, a case to case dungzia en pei dingin a rel. Chief Minister Mr N. Biren Singh chun, Manipur ah inremna le muongna uma hma sawn pei ei nuom si chun, helpawl (underground) hai hi a hmasataka inrempei le an bo a tul a. Tukhawm lungawi lova helna siem lo ding le, hel tahai khawm lam indik an hung hraw nawk theina dinga tungdingna policy tha tak nei hi makmaw hmasataka a nih, tiin a hril. State Cabinet thurel le passed hai 'ni 100 program' sunga sukpuiting ding iemani zat um a. leng chen am a hung sukpuiting phak ding ti chu a hunin la hril a tih, tiin DIPR thusuok chun a hril.

Japan-in kawng tamtakah Manipur thangpui a nuom

IMPHAL: India-a Japan Ambassador His Excellency Kenji Hiramatsu chun, Manipur-a hmun hnufoalna bikhaiah kawng hran hran hieng lamlien (road), kholzinna (tourism), Loktak Dil sukfai, inchukna (education), faina le hmunhnawk inthielna (sanitation le sewerage) kawngah Japan sawrkar chun thangpui a nuom thu a hril. Hi thu hi Pathienni-a Chief Minister Mr N Biren Singh leh CM office-a an inbiakna a hril a nih. CM chun, Japan-in development



sin an hung thawna reng reng chu venghinma tha tak pek pei an nih ding thu a hril pek a. Japan le Manipur in abikin Skill development le employment tieng, nursing

le thil siemsuokna tienga thaw tlang dan dinghai an hril bawk. Chief Minister chun Manipur ah Japanese tawng inchukna hmun

Health Minister Ukhrul-ah



IMPHAL: Health and Family Welfare Minister L. Jayantakumar Singh chu zanikhan Ukhrul-ah an zin a, Ukhrul District Hospital doctors le staff hai in-pawlpuina a nei. Hi huna L. Jayantakumar Singh in thu a hritna chun, hmun kilkhawra posting medical staff hai ta dingin incentive schemes siem a ni ding thu, Doctors post ruok hai sukbitna dinga sin lakna chu Manipur Public Service Commission kuta sie a ni thu hai a hril. Hospital enkawlna kawngah mipui le hospital thawktu hai chu

sawrkar hmalakna thlawp le thangpui dingin a fiel. Health Minister hin Ukhrul districta students le le thalai hai khawm in-pawlpuina neiin harsatna chi tum tum an inltun hai ngaithlain a thei ang a bawzui dign thu a hril. Minister hin Hospital -a um damnaw hai khawm kanin Labour Room, Operation Theatre le hospital building hmun thenkhat hai a enfel. Minister hi Parliamentary Secretaries Khasim Vashum le K. Leishyo han an zui.

Parliamentary Secretary ruotna thuah PIL file

IMPHAL: Manipur sawrkarin Parliamentary Secretaries 12 a ruotna thuah R.K. Joysana Singh of Moirangkhom chun High Court of Manipur-ah Public Interest Litigation (PIL) a file a, Court chun PIL hi ngaituo

dingin a pawm. Hi thu hi dawmna haptakar 5 sunga pek thei dingin Court chun mi 17 hai kuomah inhriettirma a pek. Chun, PIL case hi High Court of Manipur chun Juen 28, 2017 a hearing nei dingin a riruong.

Mi inhmang a thisaa hmu

IMPHAL: May 17, 2017 a inthawk a umna chin hriet lova inhmang H. Priyokumar (26), s/o H. Manichandra of Heingang chu zanikhan Heingangching an ti hmuna a thisaa hmu a nih. H. Priyokumar hi Uripok a dawr siem, M.G. Avenue,

Impah hmuina SBI, Impah Branch a pawisa sielut dinga fe, In inlawi ta lo a nih. Mi thenkhatin Bank-a a um laia an ko daw le a hnungna a phone in switched off ngah niin a sung han an hril. A motor chu Bank tuola an thutna hmuna hmu a nih.

Mi 56 in NSCN(IM) an zawm

IMPHAL: Naga helpawl group hran hrana inthawk mi 56 in tulai hnai el khan NSCN(IM) an zawm thar niin zanita NSCN(IM) thusuok chun a hril. August 3, 2015-a NSCN (IM) le India sawrkar han Framework Agreement

an ziek ringzo le beiseina lien tak neia mi 56 hai hin an umna pawl suoksana NSCN(IM) hi an hung zawm a ni a. NSCN(IM) chun tha takin a lo lawmlut tawl a nih tiin Rh. Raishing Kilo Kilonser (Home Minister), NSCN(IM) chun a hril.

Range Forest Officer lakzat ding sukpong

IMPHAL: Forest and Environment Department, Govt. of Manipur hnuoia Range Forest Officer lakzat dinga ti chu 20 a ni a, sienkhawm 8 a sukpong a nih. Categorywise a post ruokzat chu

Unreserved post 10, ST-11 le OBC (Meitei Pangal) post 1 a nih tiin Joint Secretary (Forest and Environment), Government of Manipur chun May 20, 2017 khan inhriettirma a siem.

CHANCHIN LAKTAWI

ShiRock-ah pathum-na an lak

CCPUR: Shirui Lily Festival, 2017 hmang huna ShiRock, 2017 competition-a va thang ve Purple Math chun pathumna an va lak a, zani zantieng 4PM khan YPA Lamka Unit chun an Unit Office-ah lawmpuina hun an hmang. ShiRock, 2017 Audition round-a hin Band 20 an thang a, hi laia Band 12 hai chu competition-ah an thang a nih. Competition-a hin The Wishes, Impah in pakhatna an lak a, lawmmanin Rs. 2 lakh an dawng a, The Retrospect, Ukhrul in pahinna lain lawmman Rs. 1 lakh an dawng a, Purple Math chun pathumna niin lawmmanin Rs. 50,000 an dawng a nih.

ZAA in Citywide Concert

CCPUR: Zogam Artistes Association (ZAA) chun June 24, 2017 khin "Together We Can" ti thupui hmangin Public Ground, CCPur hmunah ram pumpui huopin citywide Concert, 2017 huoihawt an tum.

EAC HSP KTP in Inkantuo Intuokkhawm le Annual Sports hmang



CCPUR: Kristien Thalai Pawl, Hmarsak Pastorate, Evangelical Assembly Church (EAC) chun tarik 20-21 May, 2017 sung khan Annual Sports le Inkantuo Intuokkhawm an hmang. KTP inkantuo hi May 17, 2017 a kha tan niin, Tuit haphaia unit hran hran haiin May 19, 2017 (Zirtawpni) zan chen khan an inkaw suok a, Inrinni zana inthawkin Inkantuo Intuokkhawm hi hmang tan a nih. Inkantuo intuokkhawm programme hi hun thuma t he a na, Inrinni zanin Pastor Paul Rozarliin in Pathienthua rawngbawlna a nei a, Pathienni zingkar Tv. William R Darnagawn in rawngbawlna a nei nawk a, Pathienni zan huna chun Rev. Ruolneisang,

PO in Pathienthua rawngbawlna a nei thung. Biekna inkhawm nei huna hai hin unit hran hrana KTP le mal-zai (solo) inchat loa ngaithlak an ni bawk. Thuhril rawngbawlna neitu haiin tukuma EAC thupui 'Krista aia palai' ti thupui hmangin thuhrlina an nei a, Kohran mipuihai in Thlaraua malsawmna tamtak an dawng. KTP Annual Sports chun Inkantuo Intuokkhawm le inzawma huoihawt niin, Inrinni zingkar dar 10:00 AM a opening ceremony hun hmang a nih. Opening ceremony chu Tv. William R Darnagawn in a keihruoi a, Rev. Ruolneisang, PO in hun hawng jawngtaina a nei. Hi huna Chief Guest chu Mr. Rorelsang, SI, Ma-

nipur Police a na, thuhrlina hun a hmangna ah thalaihai ta dinga thu tha tak tak hritna a nei a, thalai fekhawm hai chona thar a siem pek niin thu ei dawng. Hi huna hin Sanglienzuol a inthawkin ipakna hla mawi tak ngaithlak a na, Rev. Roparliin Ralsun, Youth Co-Ordinator (YCO) in hun kharna neiin inkhel tan nghan a nih. KTP Annual Sports hi ni khat chau thaw a ni leiin hun an tepter leia group items chau huoihawt a nih. Items pathum buotsai a na, unit 10 inkhel an um a, football pasal ah Saidan unit haiin a pakhatna an lak a, volleyball khawm nuhmei le pasal inkhel niin, nuhmei ah Rengki unit haiin lawmman an lak a, pasal a chun Muolvaipei unit haiin an lak thung. Tug of War nuhmeihai ta dinga buotsai a na, khawpuibung unit haiin lawmman an lak. EAC KTP Annual Sports hi kumtina hmang hlak niin, hun thenkhata chun KTP inkhawmpui le dam hmang kawp hlak a nih.

Ukhrul Dist-a Sikul haiah Edn. Minister lungawi nawh

IMPHAL: Education minister Mr Th Radheshyam chun Ukhrul district sunga Sarva Shiksha Abhiyan (SSA), Education Guarantee Scheme (EGS) le Alternative and Innovative Education (AIE) hnuoia sikul bawla umhai Pathienni khan a va sir tawla, dan ang tak le standard ang taka bawl a nih naw leiin a lung a awi nawh hle a. SSA, EGS Dan ang taka sin thaw nautuhai chungah na taka action lak a ni ding thu a hril. EGS guideline dungzui chun, sikul hai hi sikul um nawna khuo, kea fe phakna ding Km.1 biel sunga bawl ding ti a nih a. Amiruokchu, Global Positioning System (GPS) dungzia sikul bawlna dinga ti hmun nih lo, EGS-in a phal chin puotieng daiah bawl an nih tiin a hril.



Hundung ah bawl a nih a. Kharaphung Primary School khawm GPS site a inthawka Km khat le chenve vela hla, tlang lam a suk zawnga hraw ngai ramnuoia bawl a nih a. SSA 2012-13 program hnuoia mi 2016 kuma zofel a nih taa chu la function lo a nih. Kazeipung high school khawm a va sir a, ramri hai phaiphin lathuain nasatakin an sukset ti a va hmu bawk. Minister chun, sikul hai hi hmatienge ei ram le hnam la hung siemtu ding naupang haiin thienna le varna an inchukna hmun a

nih a. Ei khuo le state chauh nih lovin ei ram pumpuia hmasawanna ding chen an inchuk suokna ding hmun an nih leiin khawtlang t huoiutuhai khawmin school hai tha taka thaw an nih theina ding theitawpin thang ei lak a tul a nih, tiin a hril. Minister hin K K Leishiphanit High School, Kasoamtang, Pettigrew College, Ukhrul hai khawm enin, ITI Ukhrul bawla um mek khawm a va en a. Modern High School, Greenland Primary School le Tungrei Primary School

(Aided), Hundung hai khawm a sir bawk. Impah pana a hung kir tiengin Kasturba Gandhi Balika Vidyalaya, Shangshak, lamsuk tha naw deu hraw suka hmun finriel takah twp taka um khawm a zu sir bawk a, thil umdan a hmuin a lungawi naw hle niin DIPR thusuok chun a hril. Shangshak govt. High School, 1947 kuma bawl tah kawlna hmuin mi hiai kuomah, sikul bawng sie vawng tahai chu siem thatpek an nih ding thu a hril. A khaw mihai khawm an sikul minister-in a hung sir vawikhatna a la nih leiin an umdan indiktak a mit ngein a hmu tah leiin, education siemthatnaa dingin a sienna lai hai a hung siem thata ngei an beisei thu an lo hril. Minister hi ZEO/Ukhrul, SSA le RMSA officials le School Management Development Committee (SMDC) member han an zui.

VAWISUN THUPUI

Tukhawm Krista inchuktirna thua um lova, a fe khel chun, Pathien a nei nawh. Tukhawm chu inchuktirna thua um ruok chu, ama ngei chun Pa le Naupa a nei kawp a nih.

- 2 Johan 1:9

Editorial

Inthlakdanglamna

Hmasawn pei le changkang peina ding chun inthlak danglamna a hung um a tul hlak. Um dan pangai, fe dan pangngai le thaw dan pangngai anga umzing chun hmasawna a um thei ngai nawh. Hi lei hin khawvel rambung tum tuma sawrkar cheltu-hai chun an ram inthanglien pema dingin an ram sawrkar policy le programme chi tum tum hai an thlak danglamn hlak. India ramah ngei khawm sawrkarna cheltu an hung inthlakthlang a. Sawrkar Policy le Programme chi tum tum hai thlakthlang a hung ni a. tuchena ei hmu dan a chun a ram le a mipui han ei thapui le ei sawr tangkai khawm a um nuol ta niin an lang. Hieng laizing hin ei thawhla em em el khawm a bo bik nawh. Hieng a ni lei hin ei ram sawrkar hin a policy le a programme-hai an khattawka a ennawn chu thiltha ni dingin an lang.

Ei State, Manipur a khawm Sawrkar cheltu an hung inthlakthlang a. Sawrkar thar chun ni danga la thaw ngailo iemanizat zet a hung thaw thar a, ei ram le a mipui han ei hlakpui am, ei thapui am, ei sietpui am ti chu hunin a la hung rel ding a nih. A ram mipuihai khawmin sawrkar rorel dan le thil thaw danah inthlak danglamna a hung um chu ei dit a, ei beisei bawk a nih. Inthlak danglamna a hung um ding chun a ram mipuihai khawmin ei lungril ngaituona ei thlakthlang ve a tul a nih ti hi ei hriet nuom a um.

Ei Chief Minister thar khawmin inthlak danglamna a hung um chu a dit a, mipui pungkawmna haia thu a hrilna haiah inthlak danglamna a hung um a dit thu le a sawrkar khawmin a ngaipawimaw thu a hrillang nawn rawp hlak. Zani hmasaa 1st Battalion Manipur Rifles Banquet Hall, Imphal a Anti-Terrorism Day hmanagna khawm khan, ei State sunga thil tha lem le tangkai lem a hung um theina dingin inthlak danglamna (positive change) a hung um a tul thu le chu ding chun a sawrkarin hma a lak thu a hril nawn a nih. Hi lei hin ei ramah inthlak danglamna a hung um chu mipui han lo beisei phawt ei thil.

Ei ramah inthlak danglamna, hmasawna lampui ei hraw tak tak theina ding chun ei ram thuoituhai dingin mithiem, mi ringum, mi indik, mi taima le hnam hmanagaitu tak tak ei mamaw ta a nih. Ei Minister le MLA hai chun an sin chanpuol an hriechiang hle ding a nih. Entertain Health Minister ding chun MBBS chin bek, Engineering Department-hai cheltu ding chun Engineer suok ngei nisienla, Finance Minister chel ding chun Accountant thiem annawleh Economics a Master Degree nei, Agriculture cheltu ding chun B.Sc (Agri.), Horticulture cheltu ding chun B.Sc (Hort.) bek nisienla. Hiengang pei hin mani sin chanpuol hnesaw taka hlensuok thiem mi, mithiem ei ram hin a mamaw a nih.

US President hlui Barack Obama chun, "Thil thlak danglamn in nuom a, thil siem that in nuom tak tak a ni chun a thlirtu ni naw unla, a thawtu ngei ni ro. A thaw theitu ngei inchawmlut unla, siem that in nuom a ni chun a entu ni lovin thlang ve pei ro?" tiin ama ngei khawmin a lo lut chil a nih.

Thil tha hrezing sia thaw nuom lo ni chu a suk-suoltu nekin a thiem chuong nawh. Chuleiin, ei ram thuoituhai hi ralkanga inthawk chauin thlir naw inla, thil tha ei dit a, thlak danglamn ei nuom tak tak chun a thiem, a var le a tlin dinghai ei inchawm lut ding an naw mani? Chuonganga inchawm lut si lova ralkanga inthawka ei bau zing chun ei ni khawmin ei thaw suol ve tho ning a ti. India hnam Pa Mahatma Gandhi chun, ei sinthawnaah dam, ei taimaknaa dam, ei inpeknaa dam, ei ringumna le ei nungchang thatna haia dam ei mipui han ngaidan an siem ding a nih tia a lo hril hi zawm ve tlat ding a nih.

HLUO LO LUNGDI

(Tuiñhaphai Diary-6)

-Lal Dena

"A vlanglaia Zawlkhawpui 'Varpar Arasi' ni hlak, a hmêl ênga vadung kawi sari khawm elvar thei khawpa mi hril Vanchunglaizur sing zotu tluk hiela ka ngai hlak kha, tu hin chu tumbailawk tiet chauh a lo ni tah! Hringnun hang derdepzie hi aw!"- L.Keivom



A chungka ka pu L.Keivom-in Tuiñhaphai Diary-5 tawpna tienga 'Varpar Arasi' a ti hih tu'm ning a ta? A hming hril loin HLUO LO LUNGDI ti el lem ka tih. A hmêl t hatzie hi kei khawmin ka hmu chieng a, Zawlkhawpui mawitu chauh ni loin, Kailamhnuoi pumpuia hahipa hril hat hat tling a nih. Tuithei pahnih khir zo tawk chauh a ni laia inthawka ka pu leh hin inggaizawng an nih. Vavi khat tleirawl suok inggaizawng hai innei an vang an ti hlak ang hrinin, ka pu le a lungdit khawm vavi khat hmangaina phul liemin, kum sang dana khawm insawn ngai lo le tuiñrieta lawngmi invaihai khawm thuoitu Hmar Arasi hming meuh sâlin biethu lo thlung hai sien khawm, khuonu tuo rem lo le Pathien sam sui lo tah chawk chuh, an tum ram thlung loin, an beiseina chu boruok mawng nei loah tienami ngainuomum inchang dingin a lo thamral tah a nih.

Kum 1956/57 kha ka pu hai sungkuo hi kan pu hai khaw sat Saidanah an inpem a. Pawlsawm ekzamah sierkawp leia tum hni zet a tlawl hnungin, kum 1958 kha ka pu chu a pieng le murna, a sikhawvar tuol lengnaah mikhuala kir nawkin Pherzawl High School-ah a zu kai nawk a. An in le lo hmu ding um ta naw sien khawm, a nun hlou siptu a um tlat leini a mikhual nawh. Kum 1959 January kha Matric ekzam dingin Tuit haphai tieng a kung kir nawk a, Imphalah Matric kan inekzam tlang a. Kan zo ni lem chuh, Rengpa in tuola Raja Dumbra High School-ah thungna indawta inthung kan nih. Hi kan ekzam ni le inzawma thusep a ziek, 'Ka Sierkawp Buon' ti lem chu Zoram khawvela tiem hlaw le ama anga sierkawpa intanghai ta dinga sansuokna thucha ropuia hril hut a tling. Kan rizal a suok chun kan hlawtling ve ve a, ka pu chu D.M.College-ah Intermediate of Arts (I.A) a thaw a. Kum khatna a suo chauh tiin a Lungdi hin pasal a lo neisan a nih.

Vanguoia ei ti hih malsawmna hnar a ni thei angin, a Lungdiin pasal a neisan hi kawng khat zawnga ngaituo chun ka pu ta dinga channa tawpkhaw khawm lo ni sien, kawng dang zawnga sut ruok chun a career ta dinga vangeina sirbi intanna le ei thu le hla ta dinga malsawmna a ni lien khawpin ka hriet. Khang hun laia College kai phak chin kha an la tlawm leini, khaw chengkera umhai chen khawm an hming hre lo an um nawh ti hiel khawpa hriet hlaw an nih. Nuhmei khawm dit dit thlang thei ngirhmunu um an nih. Ka pu Varpar Arasi khawmin nisa suok ding el ngam loa arasi an inrel hman ang ngirhmunu ama inggaia pasal a lo neisan el a ni khawmin inthiem nawna ding a um nawh. Tu lai khawvel anga mobile-a nuomna na biek thei a ni naw a, inbiek pawna um sun chu satel lamlawna lawn Dak In (Post Office) hmanga lekha inthawn a nih.

A Lungdiin pasal a nei thu a hriet hnung, kum 1960 favang chawlah ka pu chu Saidan-ah chawl hmaning a fe a. A zawlpa Lalzarlien Darngawn, Muolvaiphei lal a va sir tumin thingpui dawn malamin Nk. Darthanglien hai inah a leng lut a. Ni danga a thaw danin, a lengna in bul ela um, Zoram khawvel social history-a hming ser khawpa nu inlâr Pi Hrangchhawn a va chibai bawk a. Darthanglien thingpui a n lum lai chun ka pu chun lekhaupun hung pe vak dingin a hni a. Zana a munga a thil hmu chuh Vai hla thluk hmaning a ziek thlak a:

Vawizan ka tawmng lungmawlah,
Dar ang ka tawng Enchimo Di;
Puon ang a thar nun hlui tham hnung,
An rieng val nau ang ka lo tap...

Leng dang tawnah lunglai herin,
Ei tiem Hmar Arsi ngih la khawm,
Riengeten thlir ka tih luothli leh.
Hi hla hi Lenruol Hla Bu (Second Edition No.158) ah a chuonga a, a thupuihai 'Dawn ve la nunhlu' ti a ni a, sienkhawm a thunawna a Varpar Arasi hming a thlakna, 'Hmangaia Nunrawng' ti-a hriet a hlav lem. Chu hla, chawp le chila a phuok chu Darthanglien leh thingpui dawn malamin an sak ngah a, kar khat sungin Tuiñhaphai ruom a fang suok hman a nih. Kum 57 zeta upa ni tah sien khawm hlui zai a rel thei nawh.

A hmaa ka hril luot tah ang kha, vavi khat tleirawl

(Saidan, May 5, 2017)

CBI in HC Gupta kum 7 jail intangtir dingin

NEW DELHI: CBI chun Private firm kuoma coal block pekna chungthua thu phierukna le inhlenna case-a intum Coal Secretary hlui HC Gupta chu kum 7 chen jail intang dinga a chungthu rel dingin court a ngen.

Hi Coal block scam case phurtu Special CBI Judge Bharat Parashar chun Mr Gupta chung hremna dinga thutlukna July 22, 2017 khin a puong ding a nih. Mr Gupta hi December 31, 2005-Nov. 2008 inkar sung kha Coal secretary sin a chel a nih. Hi scam hi Madhya Pradesh-a Kamal Sponge Steel and Power Ltd (KSSPL) kuoma indilo taka Thesgora-B Rudrapuri Coal block peksuokna a nih. (PTI)

Govt. hospital in a hnawl leini thingkung hnuoia nau a nei

BILASPUR: Chhattisgarh-a Bilaspur district-a chun nuhmei nauai pakhat chu nau nei dingin Bilaspur district Hospital a pan a, sienkhawm hospital in an lo hnawl leini thingbul hnuoia nau a nei.

Hi thil hi May 17, 2017 a kha thung a ni a, district administration chu hi thil thung a hrietin a lung a sen hle a. Bilaspur district Hospital-a nurse sinthaw Seema Singh le Gynaecology department-a Head of department Dr Rama Ghosh hai chu an sina inthaw a suspended. Hospital in an lo hnawl

leia thingkung hnuoia nau nei hi Muskan Khan niin Bilaspur khawpuia Sirigitti hmuna cheng hmeithai a nih. Muskan Khan hin district hospital a pan hman an thenum nu leh primary health Centre an pan a, sienkhawm senography report a neinaw leini district hospital tienga an tir a ni a. Amiruokchu, khum ruok a um nawh tiin district hospital hin an lo admit nuom naw a. Chu taka inthawk in pana an kir naah a nau nei a hung hun el ta si leia thingbul hnuoia hi nau a nei el



Bus 3 le Gas tanker 2 a kang

JALUKBARI: Assam-a Jalukbari flyer bula Abhisekh motor workshop bula chun zani hmasa kha kangmei a suok a, Night super Buses 3 le Gas tanker 2 a kangsiet. Kangmei theltu mo-

tors 6 han theitawpa an beihnungin kangmei suok hi thelmit a ni a, thi le hlienna tuok an um nawh. Iengtia kangmei hi suok am ti hriet a la ninawa, Police chun an suizui mek. (AT)

DU Undergraduate admission

NEW DELHI: Delhi University hnuoia academic Session 2017-18 sunga undergraduates course hran hran inchuk nuom hai ta dinga online registration (merit based) chu May 22, 2017 a inthawk hawng t an ning a ta; Undergraduate courses hran hran Bachelor of Management Studies (BMS); Bachelor of Business Administration (Financial Investment Analysis); B.A.(Hons.) Business Economics; B.A.

(Hons.) Humanities and Social Sciences; Bachelor of Elementary Education (B.El.Ed.); Bachelor of Science in Physical Education & Sports; B.Sc. (P.E., H.E. & S.); B.A. (Hons.) Multimedia and Mass Communication; B.Tech. (Information Technology and Mathematical Innovations); B.A. (Hons.) Music online registration chu May 31, 2017 a inthawk tan ning a tih.

India aiawin Shillong Chamber Choir in Russia Festival-ah



SHILLONG: Ministry of Culture of the Russian Federation, ICCR le Russia rama Indian Embassy hai thanguola huohiawnaa cultural festival 'Namaste Russia' nei a ni a, hi huna hin Shillong Chamber Choir (SCC) chu India ram aiawa hang thangin hlapawl an sak. Festival hi India - Russia diplomatic relation kum 70 (1947-2017) tling lawmna le inzawma buotsai a nih. Hi

Festival le inzawma event hmasa tak chu Moscow khawpuia 'Moscow International House of Music' Dom Muzyki tia hriet bawk hmuna nei a ni a, opening concert hi zirtawpni kha nei a nih. Opening Concert a hin SCC chun Opera, Khasi hla, Bollywood medleys le Jaza hai an perform bakah Russia hla khawm 4 sak dingin an inpuocha bawk a nih. (ST)

Auto inru le driver suomtu nuhmei pahni man

CHENNAI: Tamil Nadu-a chun zani hmasa kha Minjur Police han dan pangngai anga motor inlawn vel hai an check-naah Autorickshaw inru le a driver sawisak le suomtu nuhmei pahni man.

bile le pawisa hai an lakpek hnungin a autorickshaw ma hmaning an tlanhmaning niin a hril. Hi thil thung le inzawma autodriver in Puzhal Police-a complain a le inzawma Police station tin thu inhrietir a ni hnunga Minjur Police han an lo man a nih.

Police thusuokin a hril danin mana um nuhmei pahni le an pasal han an chuongna Autorickshaw neitu/khaltu K. Jothiramalingam (43) chu Madavaram hmuna sukchawl dingin an hril a, chu hunah driver hi sawisakin a mo-

Hi Auto inrutu nuhmei S. Subha (20) le S. Suganthi (22) hai chu man ni hai sienkhawm an pasal hai ruok chu an tlanhmaning hman ve le in man an la ni nawh. (ENS)

Indian Peacekeepers pahni an thi hnungin UN Medal

NEW DELHI: UN Interim Force, Lebanon hmuna um hunu thina tuok Indian peacekeepers pahni Private Ravi Kumar le UN Organisation Stabilization Mission-a Democratic Republic of Congo a um Rifleman Brijesh Thapa hai chu an duty-na hmuna police le civilian person-

nel 117 an thi hnunga UN medal inhan ding hai lai an thang. Tuhin India sawrkar chun Afghanistan, DR Congo, Haiti, Lebanon, Liberia, Middle East, South Sudan, Sudan le Western Sahara hmuna haiah military le police personnel 7,600 a tirsuok mek a nih.

IAS Officers 1,856 in IPRs an la peklut nawh

NEW DELHI: Indian Administrative Service (IAS) Officers hai chu hunu tiem sunga an rothil nei laksawn theilo (immovable property returns) pelut seng dingin sawrkarin an hrietir a, sienkhawm tuchena hin India rama IAS Officers 1,800 chuong hai chun IPRs hi an la peklut naw a nih. IPRs pelut lo hai chu promotion pek an ninaw ding bakah empanelment an hmu theinaw ding ti a nih.

Dan dungzuim Officers han gift Rs. 5,000 le a chungtieng manhu an dawng ding khawmin sawrkar thlungpua inthawk phalna (permission) an lak hmasa ding ti a ni a, an ruoltha le sungle-kuo haia inthawk gifts Rs. 25,000 le a chungtieng manhu an dawng ding khawmin sawrkar an inhrietir hmasa ding ti a nih.

Department of Personnel and Training (DoPT) data dungzuim IAS Officers 1,856 han kum 2016 a IPRs an la peklut naw niin a hril. IPRs pelut lo tamna tak chu Uttar Pradesh cadre an ni a, IPRs pelut lo officers 255 an um a, Rajasthan-ah 153, Madhya Pradesh-ah 118, West Bengal-ah 109, Arunachal Pradesh-Goa-Mizoram-Union Territories (AGMUT) Cadres IAS Officers 104 an nih.

IPRs pelut lo IAS Officer hai lai hin Karnataka cadres 82, Andhra Pradesh cadres 81, Bihar cadre 74, Odisha le Assam-Meghalaya cadres 72 ve ve; Punjab cadre 70, Maharashtra cadre 67, Manipur-Tripura cadre 64 le Himachal Pradesh cadre 60 an um niin DoPT data chun a hril. India rama IAS Officers sanction strength chu promotion post 1,450 thangin 6,500 a ni, hi lai hin IAS Officers 5,004 hai chu India ram hmun tum tumah an thawk mek a nih. (PTI)

ALL INDIA RADIO: CHURACHANDPUR PROGRAMME
Date: May 22, 2017 (Thawtanni)
TRANSMISSION- FM-101.4 Megahertz

Hours	Studio/	Programme
4.53pm	CR/P	Signature
4.55pm		Vande Mataram, Time Reading, Opening Announcement
5.00pm	P	Hymns to God : (Paite) Ningmanching Guite (dev)
5.05pm	P	Local Announcement/Prog. Summary
5.10pm	P	Minor Dialect (Vaiphei): Hatnuanching Guite (mod)
5.25pm	P	Scient Hints (Paite): Pak huan bawl - by Chingnumawii
5.30pm	P	PAITE Prog. Sig. Tune & Announcement Announcer: Paumuanching 1) Listener's Choice (mod)
6.00pm	P	HMAR Prog., sig. Tune & Announcement Announcer:Elizabeth 1) Listener's Choice (dev)
7:00PM	P	THADOU Prog., sig. Tune & Announcement Announcer:Nehkhalet 1) Listener's Choice
		Farm & Home: Paite 1. Vungkhanching (mod) 2. Talk: Environment & Health - by Paukhanthual Tonsing

Editorial Board
Lalmalsawm Sellate: Editor & Publisher
Roding L. Sellate: Jt. Editor
Joseph Joute: Freelance
Lalsansuok Pulamte & Samuel Zothanglien@SZ Zote:Sports
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

LAKTAWI

Bus eksiden-ah mi 6 an thi

DINDORI: Zani zingkar dar 4 vel khan Madhya Pradesh-a Jogitikaria vilage-ah passenger phurtu Bus pakhat chagsuolin khurah a tlatut a, mi 6 in thina an tuok bakah midang 24 in hliemma an tuok. Bus eksiden-a thina tuok hai chu- Choti Sahu (23), Sanjeev Burman (45), Surjeet Mudia (30), Awdhesh (30) Rahul (26) le midang pakhat an nih. Bus driver hi a tlanhmang niin ei thu dawngna chun a hri. (PTI)

Saudi Arabia pawisa Rs. 1.48 crore anghu leh man

CHENNAI: Directorate of Revenue Intelligence pawl chun zanikhan Chennai Airport-ah Dubai pan ding pasal pakhat chu Saudi Arabia pawisa (Riyal) Rs. 1.48 crore anghu ding leh an man. Pawisa lakna le hmangna ding chieng taka a hri theinaw leia hrentang a nih. (PTI)

Naxalites mana um 18 hai thu indawna nei

SUKMA: April 24, 2017 nia Chhattisgarh-a Sukma district-a Central Reserve Police Force (CRPF) patrolling team lambuna CRPF 25 zetin thina an tuok le inzawma Naxalites helpawl man le hrentanga um 18 hai chu zanikhan thu indawna nei tan an nih. Naxalites hrentanga um hai laia thenkhat chu sawrkarin lu man neia a lo puong ta le thenkhat chu April 24, 2017-a CRPF hai lambun naa thang ni dinga ring an nih. (AIR)

HP CM le a nuhmei Court-a inlang ding

NEW DELHI: Himachal Pradesh Chief Minister Virbhada Singh le a nuhmei Pratibha Singh hai le midang dang hai chu mani sum lamsuokna le innil lova hausakna (disproportionate assets) case ah May 22, 2017 hin Special Court hmaah an inlang el thei a hri. Special Judge Virender Kumar Goyal chun May 8, 2017 khan Singh le a nuhmei hai hi May 22, 2017 a court hmaa inlang dinga a ko a nih. Court-a inlang ve dinga ko dang hai chu- Channi Lal Chauhan, Joginder Singh, Ghalta, Prem Raj, Vakamullah Chandrasekhar, Lawan Kumar Roach le Ram Prakash Bhatia hai an nih. (PTI)

EVM challenge-a EC in condition siem hi kut le ke khuopa mi tui inhlieutir tum ang a nih: AAP

NEW DELHI: Election Commission of India (ECI) in EVM tawkdanglam (hacked) thei a nih tia intumna um le inzawma EVM Challenge June 3, 2017 a inthawk tan dinga a hri le inzawmin Aam Aadmi Party (AAP) chun hi chungthua Election Commission in condition a siem chu an sawisel a. EVM hacking challenge a ko ta rau rau a ni chun experts han a function dan chieng taka an hmu theina dingin a machine hawng theina zalenna "full freedom" an neiding a nih tui AAP chun an



le ke hai khuopa ngaira tui inhlieutir tum ang a nih tui senior AAP leader Sanjay Singh chun a hri. EVM hack thei a ni le ninaw sukchiengna dinga Challenge ko sia condition siem hi mi tuamani a kut EVM tawkdanglam thei

a ni dan inentirna Assembly-a Demonstration thaw huna khan EVM-a motherboard thlaktheng dan kan inentir a, sienkhawm khang ang kha EC chun tuta EVM challenge a hin a phal nawh tiin a hri. Machine hawng le a function dan enfel a, a chip laksuok phal a ni sinaw chun iengtin am hacked thei a nih ti sukchieng (prove) thei ning a ta? tui indawna an siem. EVM hack thaw tum han EC kuomah hri. Ni hai, machine hawngdar theina chance mipui hai an pek a tul tiin Singh chun a hri. AAP delegation team chun hi thua hin EC officials hai an lan hmpui ding thu a hri. ECI chun tulai hnaia Assembly Election neina States 5- Uttar Pradesh, Uttarakhnad, Manipur, Goa le Punjab Assembly haia political parties in candidates hai ta dingin EVM hacked thei nia intumna thua Election huna EVM hmanga um hai hmangin June 3, 2017 a inthawk EVM challenge a hawng a, sienkhawm EVM hawngdar ruok chu a phal naw a nih. (PTI)

India in thla 18 hnungah high speed internet

NEW DELHI: India chun khawvela internet hmangtu tam zawngah nikum khan US khumkhelein China ti loah khawvel rambung hai laia internet hmangtu tamna tak rambung pahina hung nita sienkhawm Asia rambung dang hai lakah internet speed zawng chun a la hnufuol hle a. Sienkhawm Indian Space Research Or-

ganisation (ISRO) in India rama internet speed sukrat tu ding communication satellites kapsuok dingin hma a lak mek a, tuta inthawk thla 18 hnungah chun internet speed hrat lem hmu thei a ni ta ding niin ei thu dawngna chun a hri. ISRO Chairman Kiran Kumar chun, communication satellites pathum kapsuok a ni ding thu,

hi laia pakhat GSAT-19 chu June thla in kapsuok a ta, a dang pahni GSAT-11 le GSAT-20 hai chu a dawt dawtin ISRO next-generation launch vehicle GSLVMk III hmangin a kapsuok ding thu TOI a hri. Hieng communication satellites hai hmang hin India ramah internet speed hrat lem hmu thein a hung um ding a nih tiin a hri. (TOI)

Sonia le Rahul han Rajiv thlanah par an inhlan

NEW DELHI: Congress President Sonia Gandhi, Congress vice-president Rahul Gandhi le PM hlui Dr Manmohan Singh hai chun zanikhan India PM hlui Rajiv Gandhi thi champha a ni le inzawmin 'Vir Bhoomi' hmuna fein, Rajiv thlanah par inhlan an va nei. Rajiv Gandhi kha August 20, 1944 a pieng a ni a, kum 1984-a a nu Indira Gandhi kaphlum a ni hnung 1984-1989 inkar sung khan

India Prime Minister 6-na ni dingin Prime Minister sin a lo chel a. May 21, 1991 khan Tamil Nadu-a Sriperumbudur hmuna vote campaign huna LTTE helpawl han bomb an sukpuok lein a thi a nih. (ANI)

BJP in President Candidate ding an la sukfel nawh: Shah

NEW DELHI: July thlaa India President thlangna hung um ding le inzawma indawna dawmin BJP National President Amit Shah chun, BJP in President election-a an candidate ding an la sukfel nawh thu a hri. Hi thu hi Aaj Tak Channel in interview an thawna huna Mr Amit Shah in a hri. (PTI)

Lungrila um chu a um a, sienkhawm party sunga hrihlung phawng ning a tih tiin Mr Amit Shah chun a hri. a, tuta hmaa Shiv Sena in RSS Chief Mohan Bhagwat chu BJP inrwi NDA coalition sawrkar president candidate dinga rawtna an siem khawm BJP in a hawl niin a hri. (PTI)

Israel-in India Kuomah \$630 Million m an Ralthuom



TEL AVIV: Israel sawrkar ta, Israel Aerospace industries (IAI) chun, India Navy in a ralthuomhai a sukchangkang theina dingin \$630 million man ralthuom chi hran hran, lawng pali a hmang ding 'air and defence missile system' an chawktir nawk ding niin a hri. A hmasatakna dingin hi contract hi, "Make India" campaign hmawhuoitu, sawrkar ta Bharat Electronic Ltd leh thaw ning a tih, tiin IAI thusuok chun a hri. Hi project-a main contractor ding a nih. Kar liemtah khawm khang Israel siem Barak-8, long-range missile (meithallawn) chu Indian Navy lawng pakhat a inthawkin hlawtling taka kap suok a lo nih tah. Hi meithallawn that zie le thilthawtheina ensinnaa chun, thil pakhat, tium, boruoka inuongtir

a nih a. Chu lo bei dingin Barak 8 chu kapsuok a nih a, hlawtling takin a target chu a hang kap siet a nih. Indian Missile defence system hi nasataka sukrat tum a nih a. Abikin Indian Ocean lien tak laka inthawka Missile hung vuong thei ding dam, Pakistan le ramri le China le ramri tieng haia inthawka Meithallawn (missile) hung vuong lut theihai ramsung an vuong lut hma neigia boruoka lo kap siet theina hi sukrat a tul zuola a hrietpui lein Israel chun a ralthuomhai an chawktir ding a nih. Ni kum April khawm khang IAI chun Indian Navy kuomah Missile Defence System sukratna dingin \$2 billion man ralthuom a lo inthawktir tah. Israel hi India ram ta dinga ralthuom supply-tu lientak pathumna a nih.

Railway minister in Tejas Express a vailiem ding

NEW DELHI: Union Minister for Railways Suresh Prabhu chun May 22, 2017 hin Dadar hmuna inthawk video conferencing fethlengin semi high speed train Tejas Express vailiem a ti. Tejas Express hi CST Mumbai le Karmali (Goa)

in kara chawlkar khatah ni 5 sung service hlak ding a ni a, vailiem um ding train hin May 23, 2016, 12:35 in Karmali (Goa) a tlung dinga hisap a ni a, regular service chu May 22, 2017 a tan ding le Mumbai CST a inthawk chun May 24, 2017 a inthawk regular service a fe tan ding a nih. Tejas Express Rel hi darkar khatah km. 200 a hla tlanlung thei ding a ni a, sienkhawm lampui thua harsatna lein darkar khatah km. 160 a hratin a tlan ding a nih. (AIR)

Court in Shilpa le Raj Kundra hai anticipatory bail



THANE: Textile firm neitu pakhatin cheating case a file khum actress Shilpa Shetty le a pasal sundawngtu Raj Kundra hai chu Thane district court-a Additional Session Judge Sangeeta Khalipe chun personal bond or surety Rs. 1

lakh ve vein anticipatory bail a phal pek. Shilpa le Kundra hai hi tuta hma khan man lo dinga interim protection a lo phal pek tasa an ni baw. Bhiwandi hmuna Bhalotia Exports company neitu Ravi Bhalotia chun, Kundra le Shetty hai directors an nina Best Deal TV (BDTV) kuomah bedsheets a supply a, sienkhawm hieng thil hai a supply-na man Rs. 24 lakh an pek naw nia thla hmasa laia kha Kongaon Police station-a FIR a peklut a nih. Kundra le Shetty hai lawyer Aniket Nikam chun, intuma um hai hin Ravi Bhalotia hi hlem tumna an neinaw thu Court a hri a, BATV chun Rs. 1 crore an pek ta a, Rs. 24 lakh an la bat ti thu chau a nih tiin a hri. Hieng laizung hin complaint petu hin supply a pek inhnuk lein compensation Rs. 25 lakh a bat a nih tiin an tum bawk. (PTI)

NE inzin minister hai zankhat bek an riek ngei ding

NEW DELHI: Prime Minister Narendra Modi chun, helpawl tam tak hai hrangna India hmarsak (NE) states a inzin Union Ministers hai chu NE chu mitin ta dingin a him a nih ti hrietna dingin zankhat bie an riek ngei ding a nih tiin a minister hai zawm le zui dingin dan thar a siem. Hi thil hi PMOs in kum hni hnungna Union

ministers han chawlkarhni dan peiah NE biel an sir zie ding tia inhrietna um hnungna hung siem a nih. Tourism and Culture Minister Mahesh Sharma chun, NE a tourism le hmasawna infekawp tir a, khawvel rambung tum tum hai ta dinga NE biel tourist hmunpuia siem chu Prime Minister thil tum a ni thu a hri a. Hi le inzawm hin Union Ministers hai chu inzin naran ringawt ni lova NE states haia an inzin huna zankhat bek riek hlak dinga ngen an nih tiin a hri. Tourism ministry chun NE biela helna hlur leia security thila titthawngna mi lungrila um chu thlakthleng a nuom a nih tiin a hri. (AT)

Trump-in Arab Rambung Hotuhai An Hmpui

RIYADH: US President Donald Trump chu in tieng buoina dang um sienkhawm, khawvela America thuneina le nina insang kengkaw zing tumna le Arab rambung thuoituhai ama tieng hne tumna a khuol zinna le inzawmin Arab Islamic American Summit ah thuhrlin, Arab rambung hran hran thuoituhai an hmpui tawl. Trump chu khawvel chawkuoitu Muslim helpawl ISIS hai do hrwan an tul zie hriin, Arab rambunghai chu Islamic militants hai do tläng dinga thangruol dingin a fiel tawl a nih. America le Gulf-a Arab rambung parukhai chun NATO anga thangruola Muslim helpawl ISIS dotu ding bikin Gulf Cooperation Council an dinpui a. ISIS helpawlhai an do tläng ding a nih. Trump chun Muslim helpawlhai chu "radical



Islamic terrorism" ti thumal a hmang a, tamtakin Arab han an theida an ring lain an theida chuonawh. Arab lai khawm helpawl hi nasataka an do ve a ni lein Muslim sakhua Islam zuitu seng seng khawm an inang naw baw a nih. Arab rambung hran hran thuoituhai chu a mal mala inhmupui vawng a tum a. An sinthawhai inpakin America le inruol that zing a nuom thu a hri baw. Egypt President Abdel Fattah al-Sisi chu, "Hun harsatak karah sin ropui tak i thaw a nih" tiin an ram mipui helna nasatak hnungna muongna an umtir thei lein an pak a. A hrana Egypt la sir a tum thu a hri baw. Qatar thuoitu Emir Sheikh Tamim Bin Hamad Al-Thani leh khawm an inbiek a. Trump chun, "America angin tukhawma ralthuom tha le nal an siem thei nawh" lein an ralthuom tha tak takhai chu a lan chawktir ve ding thu a hri. US chun Saudi Arabia kuomah Dollar 1 billion man ralthuom an chawktirna ding inremna a ziekpui an tah. Bahrain lai King Hamad bin Isa al-Khalifa le an inbieknaa chun, an ram pahni hin inangna thil tamtak an nei lein "sawrkar roinrela le inlaichinna kawngah iengkhawm harsatna um naw nih" tiin a hripek. Lalpa chun US le an inlaichinna tha taka a um pei leia a lawmthu hriin, "Gulf biela hmasawna le remna le muongna intuntu" a hung ni pha hiel a beisei thu a hri. Trump hin Kuwait le Oman hotuhai khawm an hmpui a. Muslim helpawlhai tukdawlna ding an thilum (message) theidarna ding kawngah Kuwait le Oman lalram chu a pawmaw tak an ni ding thu a hripek. Gulf Cooperation Council sukratruo ni dinga thang la dingin a fiel tawl. President Trump hin of-

fiel a huol tan tir lai khan, Muslim helpawlhai laka inthawka America venghim tumna Muslim ram hel tamna a hriethai pasari a inthawka mi US tul ding a khap lein Muslim le Arab ramhai lung a suksen hle a. Tuhin a thawidamna dingin inruol thatna siem tumin a fang mek a nih a. Middle East peace process sukratna dingin a pawmaw bawk lein Israel le EU hotuhai khawm kar thar khin inhmupui a ti. Tuchenah chu Trump a hlawtling pei angin an lang a. Ama khawm a ring nekina a nervous nawh a. Arab hai insukhlilma chi hran hranhai an lo thawpek lem chu, abikin Saudi Arabia lai King Salman in Irinini zana Royal Banquet buotsaia a lo welcome tha lein inhawi a ti hle. An bu-fakna phaiphin thliin a hung mut dar vawng lein tlawmin an buoia chau a nih.

FIELNA

Pathienin rem a ti chun May 24, 2017 (Nilaini) dar 11:00AM in kan naupa **Mr Rolungmuon Inbuon**, s/o Mr J. Malsawm Inbuon le Mrs Lalrawnkim, Kolasib, Mizoram le **Miss Olivia Ramhlunmawi**, d/o Mr. (L) Lalkhumlien & Mrs Lalthangmawi, SIELMAT, Churachandpur hai Kohran Dan thienghlima kut insuina Roberts Jubilee Chapel (ICI Biekin), SIELMAT, Churachandpur-ah an nei ding a ni a. Hi inneina hunser mi hung hrepuu ding le mi hung lawmpui dingin Krista thisen zara Kohran-hai ngaina takin kan hung fiel cheu. Innei zo zantieng 1:00PM in Reception programme Muolvaipei-ah hung thang seng dingin kan fiel bawk cheu. Fielna card a hrana siem a ninaw lein Chanchinbua fielna kan hung siem hi mimal fielna anga mi lo pawmp-pek dingin kan hung ngen nghal cheu.

- Fieltuha:**
 1. Mr J. Malsawm Inbuon & Mrs Lalrawnkim (A Pa le Nu)
 2. Mr John Lalnunsang & Mrs Muoni (A papui le Nupui)
 3. Rev. Lalneimawi & Mrs Lalthanmawi (A Pu le Pi)

TEACHERS WANTED K.T. HIGHER SECONDARY ENGLISH SCHOOL, KANGPOKPI

Two Teachers are wanted to teach (a) Biology, (b) Physics in High School and Secondary School. Educational Qualification: B.Sc/ M.Sc. Candidates with computer knowledge is preferable. Willing candidate/candidates may apply to e-mail: kthsskpi@gmail.com or 8132906405 on or before 2nd week of June, 2017. Free Accommodation.

(20,22,24) Sd/- Principal

PIGROW Tablet

VAWK INTHANGNA DAMDAWI
 I vawk zawr hun tingna dingin kum khat nek tam nghak ngai tanaw nih.



- A THATNA:**
 * PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih.
 * PIGROW mum hin, i vawk chu i pek tana inthawk chawl der loin an thang tir thei.

A PEK DAN DING:
 * Vawk pakhatah nikhatah mum 20 (zingtieng mum 10 le zantieng mum 10) pek ding.
 * Box khat ah mum 600 a um a, chu chu thlakhat sunga a fakzo ding a nih.
 * Rawt phita pek in fak awlsam an ti lem.

Rs. 350/- per Box

- INCHAWK THEINAHAI:**
 1. Hmingi Bethel, CCPur # 8414852391
 2. L.K. Screen Printing Lighthouse Lane, CCPur
 3. Pet Care Centre, Tiddim Rd. CCPur.
 Order tam dan dungziin HOME DELIVERY khawm kan thaw thei.

Rajnikant in party thar an din a ring thu a hri



CHENNAI: Tulaia Tamil Superstar Rajnikanth in politics a zawm ding tia hiririk umna chungthuath Tamil Nadu Congress Committee (TNCC) President Su Thirunavukkarasar chun, Rajnikanth hin ieng party khawm a zawm ka ringnaw a, chu nekin amain party indin lem a tih tiin TNCC Chief chun a hri. Hi thu hi zanita India Prime Minister hlui Rajiv Gandhi thi champha in-serna programm-a a thang huna reporters hai an hmpui huna a hri. (PTI)

S. Korea president in top ministers ding a ruot

SEOUL: South Korea President Moon Jae-In chun zanikhan ministers le chief security adviser ding hai hming a puong. Vice Finance minister hlui Kim Dong-Yeon chu deputy prime minister le finance minister dingin a ruot a, UN senior advisor on policy Kang Kyung-Wha chu a foreign minister dingin a ruot. Diplomat hlui le lawmaker hung nitah Chung Eui-Yong chu national security adviser dingin a ruot. Chung Eui-Yong hi a campaign huna foreign policy adviser -a a lo hmang a nih. (PTI)

London Councillor in India rama pieng nuhmei

LONDON: India rama Chennai hmuna pieng le seilien Ms Rehana Ameer (43) chu London khawpuia Corporation election-a Vintry ward-ah Independent candidate in Councillor dinga thlangting a nih. Ms Rehana Ameer hi UK a India rama pieng nuhmei UK ward Councillor dinga thlangtinga um hmasa tak a la nih. Ms Rehana chun air quality siemthat, mental health le business tieng-pang a ngaipawimaw zuol ding thu a hri. London Corporation hi United Kingdom a local authority hausa tak nein fund 1.3 billion pound control-tu a nih. London city hi wards 25 in an the a, councillors tinin ward pakhat pei an enkawl a nih. (PTI)

Jews Diaspora han Jerusalem-ah US Embassy an dit

NEW YORK: Pathienin khawvél hmun hran hrana a thedar. Juda mi rambung hran hrana um an rama kir nawk ta chuong lo Jews Diaspora an iti a tamlem chun American Embassy tuta Tel Aviv-a um chu Jerusalem a sawn tha an ti ha, sawn ngei nisien an ti bawknin Jewish People Policy Institute (JPPI) chun a hril.



Jerusalem pumkhatta a um nawkna kum 50 Golden Jubilee tlingna lawmna ding le inzawma JPPI-in March thlaa 'attitude and opinion' poll a neina Report, JPPI 2017 annual Israel-Diaspora Dialogue an suoa a hril dan chun, Diaspora hotu a tamlem daih chun Jerusalem thlang tieng bang (Western Wall) leh inkungkaina inthuktak nein an inhriet a; Jerusalem hmakhuo ding an ngaituo hle bawk a; khawpui lampui indika an thang lien pei beisein US Embassy khawm Jerusalem ngeia a um an dit niin a hril.

An Report le ngaidán lakkhawm Reunification of Jerusalem ti khawm Mayor Nir Barkat kuomah an pek a. Ramdangah um hai sienkhwam Jerusalem chu an khawpui taka an la ngai thu le, lampui indik taka hma a sawn theina dinga thei ang ang thang ve an nuom thu hrilin. Juda le Arab kar thu fel thei naw an lungkham thu le Ultra-Orthodox pawl khatin Jerusalem an thunum tum dan tha an ti naw thu an hrillang bawk. Mayor chun

ngun takin lo en ka ta, a tul ang angin hma lak ning a tih tiin a hril. Ultra-Orthodox hai chun Jerusalem chu Juda khawpui chau ni lovin hnam dang danghai le sakhuo dang danghai khawpui pawmawtak a nih leiin mi pakhat chau thuhnuoia um chi an nawh, thuneina intawma enkawli hi a hmasawna ding thalem a nih, ti thu feupin kawng danga 'inpumkhatna' thu an khawpui ve a. Juda mi tamtak hi ngaidán tawm hi an

um ve a nih. JPPI president Avinoam Bar-Yosef chun, "Juda mi hmun tina umdar hai po po khawmin Jerusalem chu an khawpui tak, him taka an um theina ding anga an ngai zing theina dinga Jerusalem a um zing a pawmaw a. Israel ram sunga lut/um hai chau ta dinga khawpui an nawh a, Juda mi hran hranhai 'pluralistic fabric of life' um theina dinga siem a pawmaw a nih" tiin a hril a. "Israel sawrkarin Israel Diaspora hai pawmawna a hrietpui a pawmaw a nih" a ti bawk.

Hienglai zing hin mi tamtakin, Jerusalem chu Juda khawpui indiktak thedar lo hrim hrim ding "Jewish majority" nei zing ding a nih an ti laiin, thenkhat chun, Jerusalem chu Israel-in thunum zing sia inremna le muongna a um theina dinga hnam dang danghai le khawm um khawm theina ding 'unified city' (khawpui)

nih dingin an dit bawk a nih. US, Canada, Brazil, Australia le France-a Juda mi umhai ngaidán lakkhawm hin, Jerusalem chu a tha naw zawnin hma a sawn nia an hriet leiin siemthamna dingin Jews Diaspora ngaidán khawm lak tha an tih a. Jerusalem sunga um Juda mi tamlem ruok chun a tha zawnin hma a sawn niin an hriet ve tlat a nih. Israel sungkuoa hin ngaidán inkal naw lai a um nawh.

Jebus mihai that fai vavng dinga Pathienin a ti an that fai naw leia buoina le harsatna chu vavvusun chenin an naka hling suntu angin Jerusalem khawpui chu Israel ta dingin buoina a la ni zing a. Khawvél rambunghai ta ding khawma "buoina khawpui" a ni zing. Dawmsawn or sukdanglam tumtu le dotu taphawt chu anni le anni an insukna pei el a nih.

Jerusalem inchu leiin khawvél pumpui lan do dur dur an tih.

Kim Kardashian-in Zuitu 1 Million A Nei Tah



LOS ANGELES: Reality TV star Kim Kardashian, tulai hnaia a pasal Jay J leh Billionaire kai thar chun social networking site Instagram ah Followers (zuitu) 1 million a nei tling ve tah a. Hollywood milár A-list a mi 5 Group (1 million néka tam Followers) nei hai lai a thang phák tah a nih. Instagram-a zuitu hautak chu Selena Gomez a nia, million 38 vel a nei a nih. Amiruokchu, Kim hi

New York ah sin buoi leiin tu kum Cannes Film Festival 2017 a thang thei tah nawh a. Ni kum 2016 a an thlalák thenkhat, tu kum Festival inzana entima dingin a website www.kimkardashianwest.com ah a shared. Thlalák pahni a nih a, behind the scene-a make-up an thawlai vel niin a hrilife ngál bawk.

Thlalák pakhat dang chu taksa rawng zakuo hnuoi, bra le kekawrte inkawp chungah

Gown ang deuh silver colour infulu deuh, hnuoi phit dur dura hmatiang le hnung-tiengna in tawl zuoi a nih a. A sirah hrui zaiin a khai kawp a, hei en chun taksa rawng a nih leiin saruok angin an lang a. A mawngtam inbawr tha lel lawl fie taka hmu thei dingin a sir zawnin, dingdihla an lakna a nih.

"Tu kum Cannes Festival chawimawina le inzana langtimain ni kum 2016-a De Grisogno design Red Carpet-a ka feupi thlalák hei share ka tih" tiin an cheina le thil umdán a hrilife a. "Festival-a hak ding ka nei tah nawh a. Lanyu, China a inthawkin designer hai New York ah an la hung a. Cannes ka pan hma minute tláwmte sungin ka hak ding an la siem a nih" tiin a zakuo hak mawi danglam tak chanchin a hril.

Leonardo DiCaprio Nunghák Dang le Hmu Kawp

LOS ANGELES: A film hmasatak "Titanic" a inthawka inlár ngál, Italy tlangval Hollywood-a hláwtling pawl tak Oscar Award chen dawng tah Leonardo DiCaprio (42) chu a bielnu model Nina Agdal leh an inthe zova inthawka kar khat khawm la tling lovah nunghák dang le hmu kawp nawk ngál a nih.

Leonardo hin nunghak bákah a ruolpa, Toby Maguire, (Spiderman) khawm ruol a thuoia hmu a nih. Toby hi a nuhmei Jennifer Meyer, lunglhu designer, kum 9 a nei tah, nau khawm pahni nei tah leh October 2016 kham an inthe a. A Parawl lai tak a nih. Parawl ve ve khawsawt lunglai hnémto ding zawnng, léng thawveng khawm an nih el thei. An lengna Restaurant khawm hi "hmun ropui hun inhmang tah" ti a nih a, an inhmepui hle.

Leonardo bielnu hlui Nina Agdal hi nunghák hméltha deuh le nal deu, New York-a khawma a nih a. Sport Illustrated model a nih. Pathienni lietmah kha Australia ah Mercedes Benz Fashion Week a thang dinga fe tum a nih a. Thawtanni zan Sydney ah Misha X Myer thaw ding a nih bawk a. Amiruokchu, Visa leiin a fe thei tah nawh a. Tourist Visa hmanga fe el



A tuma chu legal thil leiin a thul nawk a. Hi ni tak hin Leonardo chu Malibu ah a ruolhai leh an léng hmu a nih a, chu zoah an inthana thu a hung puong tah a nih. Leo le Agdal hi kum khat an inzui tah a, March chen khawm kham an lan zui a. May 9

khawm kham West Hollywood ah bu an la fak tláng a. An la hlim em em a. May 14 kham Agdal Australia fe tum buoina a tuok lai Leo chu Malibu ah hunawli a lo hmanga. Inthana thu le ni kawlah a hung inher suok thut el tah a nih.

Daily Mail chun, "An pahniin inthe tha lemin an hriet a. Ruoltha ruok chu la nih zing an tih" tiin a hril. An umna le sinthawna kar a hla lei khawm a nih el thei. Agdal hi New York ah a um a, Leo chu Los Angeles ah. An pahni hni 2016 May kham Up & down Club, New York-a inhmuan tan chauh, chutaka inthawka inzui ngál an nih. VIP section ah an inpawl ngat a. An inzui sunzawm peia Hamptons ah lem chu an inkuo nazwa taluo car an accident pha nia hril a nih.

Leo hi bielnu a nei sawt naw thei khawp el. A sawt tak chu model Gisele Bündchen kha a ni a, kum 2 an inzui a. Tom Brady leh an innei tah. Nunghak dang, Bar Refaeli, Erin Heatherton, Blake Lively le Toni Garmn hai khawm a leng hlaka chu tukhawm a nei nawh. Kum 40 chuong thal tlangval chu nuhmei nei an nuom tah naw laklawa, léng thawveng mei mei inhaw an tih a, an lengtul hlak an ti po Leonardo hin a thaw a hawli.

Ni 5 sung chaua Mt. Everest tlangsip vawihni kai tlung

NEW DELHI: India mi Anshu Jamsenpa chun zani zingkar 8:00AM char kham Nepali Climber Furi Sherpa leh khawvvela tlang insangtak Mount Everest tlangsip kai tlungin India mi nuhmei hai laia ni 5 sung chaua Mount Everest tlangsip thawkhni kaitlung hmasa tak a nih.

Ms Anshu hin May 16, 2017 kham Mt. Everest tlangsip hi lo kai tlungin khawvvel nuhmei laia Mt Everest tlangsip vawi 5 kaitlung hmasa tak a nih.

Anshu hi kum 32 mi niin nau pahni nei tah a ni a, kum 2011 kham ni 10 sungin thawkhni tawp Mt. Everest tlangsip hi a lo kaitlung ta bawk a nih.

Indian climbers Dhankude Kishore Datatraya le Brij Mohan Sharma hai khawm zani hmasa kham Mt. Everest tlangsip hi an lo kai tlung ve. Brij Mohan Sharma, Breeze Sharma



tia hrietlar hi Indian Navy hai laia Mt. Everest tlangsip kaitlung hmasatak a nih.

Juventus in Crotona hnein Srie A title an lak



TURIN: Juventus chun zanikhan Crotona 3-0 a hnein a vawi 6-na dingin Serie A title an lak.

Juventus ta dinga goal thun hmasatak chu Mario Manduzkic niin first half minutes 13-naa goal hmasa tak hi a thun a ni a, Serie A Champion hin

hi zo halftime hma charin Paulo Dybala chun free-kick hmuin Crotona hai vawitieng goal kiah a petlut a, a goal vavvithumna chu inkhel tawp ding minutes 7 la uin Alex Sandro in a thun nawk a nih.

May 17 kham Coppa Italia final-ah Lazio 2-0 in an lo hnetna bawk a nih. June 3, 2017 khin Welsh khawpui Cardiff hmuna Millenium stadium-ah Champions League final-ah Real Madrid an inhmason pui ding a nih.

Real Madrid in Vinicius Jr contract a ziekpui ding

Spanist giant Real Madrid chun Brazilian wonder kid Vinicius Jr chu 40 million euro in contract a ziekpui ding niin Spanish media report chun a hril.

Kum 16 chaua upa Vinicius hi Flamengo a khel mek a ni a, dribbling skills a neitha leiin Brazilian fans a hau ta hle a nih. Amiruokchu Spanish professional football law hnuoiah under-age a la n leiin professional requirements a tling hnuo a la ngak teng teng a tul ding a nih. Kum 2018 a chun professional contract ziek thei dingin Santiago Bernabeu stadium a lut ta ding a nih. Real Madrid chun hi tlei-



rawl hi an ditsak hle an ama le a sunghai chu Bernabeu hmuna match le training facilities hai en dingin an fiel nghe nghe. Bayern Munich le Liverpool hai khawmin Vinicius hi nei tumin an inchu zing a nih.

Striker Vinicius hi July, 2000 a pieng a ni a, technically minded player a hriet a ni a, tukum kum bul laia South American Under-17 Championship a kham Brazil ta dingin goals 7 a thun bakah goal vawi 2 a assist a nih.

Tom Cruise-in "The Mummy" Film A Promote

LOS ANGELES: Nau pathum le nuhmei pali nei taa chu tlangval that lai ang thova action film la chang pei le la nal. "Top Gun" le "Mission Impossible" film leia inlár, film tamtak chang tah Tom Cruise (54) chun a film thar "The Mummy" promote dingin Hollywood ah a co-star hai a hung fin a, a la nal hle.

A co-star hai le producer Alex Kurtzman hai leh mipuiin an lo thir thupoi lain inui sai saiin a dum vawnga incheiin a hung a. Zakuo chungah Jacket a hak bawk a, an chei dan a inthawk chun tlangval kum 30 bawr mi a hawi a nih. A co-star kum 32 a upa Annabelle Wallis leh khawm an lan hme táwk char.

"The Mummy" ah hin Tom Cruise chu British



actress Annabelle Wallis (32) le Algerian actress Sofia Boutella (35) hai leh

an nih a. Pasal a co-star chu Jake Johnson (Sergeant Vail) a nih. "The Mummy" hi 1999 a film inlár tak el, Brendan Fraser changna 'reboot' a nih a. Version thar taka story ah chun, tienlaia lalnu pakhat in (sleep) chu tulai huna a hung thanghar chanchin a nih a. June 9 khin khawvél hmun tinah tlangzang ning a tih.

Tom Cruise hin tulai hin Paris ah "Mission Impossible 6" khawm a chang zing a. A changpui (co-star) British actress bawk a nih. A ruolhai chun nuhmei nei lova hun sawt tak parawl tah Tum hin a nauhai enkawlputiuo ding a dit deu tah niin an hril a. Tuta a changpui nu hi a melkai deu niin an hril bawk.

Gervonta Davis in IBF title a hum

IBF super-featherweight title kawli mektu American boxer Gervonta Davis (22) le Britain boxer Liam Walsh hai chu zani hmasa kham London-a Copper Box Arena hmunah an inhnek a. Davis chun round thumnaah Liam Walsh (31) knock-out-in a IBF super-featherweight title a la hum nawk.

Davis hin opening rounds pahni haiah Walsh hi a hnek thluk ngál a, sienkhwam round thumnaah Davis hin na taka



a lawk fuk nawk leiin inhnekzawm zo taloin Refree Michael Alexander chun hun a suktawp a nih. Davis promoter hi weight 5 a champion lo nitaht Floyd Mayweather a

ni a, vawi 18 inhneknaah hrata la chang vawng a nih. January thla kham a title defence vavikhatnain Jose Pedraza a lo hneban ta bawk a nih. (BBC)

Bayern in Bundesliga title lawm; Lahm le Alonso hai an inthlaliem

MUNICH: Bayer Munich chun zani hmasa Bundesliga title an lak lawmna hun puithu takin an hmang a, hi huna hin football khel lo chwalsan (retire) tah Philipp Lahm le Xabi Alonso hai inthlana hun an hmang ngál bawk.


Bayern Munich hin Bundesliga title hi April 29-a kham an lak a ni a, a zawnha hi title vawi 5 an lakna a nita leiin Munich town hall-ah lawmna puithu takin an nei a, hi



huna hin Lahm le Alonso hai khawmin an teammates hai lawmna hi an va sim ve

a nih. Lahm hi a nuhmei le nauha hai khawmin an zui ve a nih.

Lily Donaldson, Best Dressed Model Lai



NICE, FRANCE: Sakawr chungah inthawka a tlák leia thla thum lai model sin chwalsana hung inpholang tan nawk tah, kum 30-a upa British model, Chanel, Louis, Vuitton and Moschino hai ta dinga vawi tamtak 'cat-walk' thawpék tah Lily Donaldson chu, tuta tum Cannes Film Festival 2017 a "Loveless" film an premiere zang Red Carpet hung hrawhai lai lo en a nih a, inchei nal tak (Best Dressed model) ti a nih.

Lily hin hmu tlang thei Gown var infulu duom el, low-cut dress, a chungtieng dar le awmbawr lai po inlang thei vawng, bodice le infawma a nene tuom thap, a hnuoi tieng chu hmu tlang thei vawnga inphan a nih leiin a mawngbawr le thup ding tak lai po thupna dingin 'undershot' a bun a. A malpui le ke nalna po po chu an lang thei vawng. A zakuo-puonbil var ang bawka hrui var pheikhawka a bun bawk a. A sam eng thalin, liquid eye-liner hmangin a hner sen taluo lovin a nala, vantirko hung lawn phei a hawi el a nih.

London-a pieng model Lily hi Cannes Film Festival 2015 le 2016 haia kham a lo thang tah a. A Gown hak lei bawka inlár a nih. Modeling khawvél chu kum 17 niin 2004 kham designer hmang inthang tak takhai leh a tan a. Vogue magazine ah vawi tamtak an lang tah a, 2007 lai inlár pawl tak a nih. Tulai hnaikhan Sakawr chungah an sukhlaiem leiin thla thum lawn thei lovin a chwál a, a hung lawn tan nawkna a nih.

Hliem a tuokna thua, "Ka ngaituonahai a mi siemthar pek a nih. 'Ieng-tiklai khawm insukpal thei zing annawm' tiin hdam takin ka lak a, ka phur zang el" tiin The Edit magazine a hril a. Chaw hmangin khawvél hmun ram tin an zin kuola, "Hun sawt tak model sin ka thaw tah a. Tawite chwala hei insukthawng chu an hawi khawp el" tiin a hril.

Indian Men's archery team in gold medal an lak

SHANGHAI: Indian men's compound archery team chun Shanghai hmuna season first World Cup final-ah zanikhan Colombia hnein Gold medal an lak.

Indian men's Archery team a hin Abhishek Verma, Chinna Raju Sritheer

Amanjeet Singh hai an thang a, 226-221 in Colombia team an hne a nih.

Indian team hin semi-final-ah US team hnea final-ah an ni a, nikum Rio Olympics zoa Indian team in competition lienthama hlawtlingna an changna hmasatak a nih.